

**Javna rasprava o prezentaciji radne verzije Drugog nacionalnog izvještaja o provedbi Aarhuske konvencije u BiH – Tuzla**

28.11.2013., Zgrada privredne komore KT

**Zapisnik**

**Učesnici:** Pogledati listu učesnika u prilogu

**Uvodni dio**

Uvodne riječi predstavnice OSCE Misije u BiH, Predstavnik FBiH Ministarstva za okoliš i turizam i predstavnice Centra za ekologiju i energiju - Aarhus Centar Tuzla dat je pregled sadržaja izvještaja, same implementacije Aarhuske konvencije (AK) i izrade Drugog nacionalnog izvještaja o provedbi Aarhuske konvencije u BiH (NIR 2013.)

Power point prezentacija je dostupna na ovom linku...

**Komentari/pitanja učesnika i pruženi odgovori**

- Predstavnica Centra za ekologiju i energiju - Aarhus Centar Tuzla je postavila pitanje o najslabijoj karici primjene Aarhuske konvencije u BiH na što je predstavnik FBiH Ministarstva za okoliš i turizam (FMOiT) odgovorio da ja to primarno učešće javnosti u donošenju odluka i pristup pravosuđu. Nadalje je rečeno da do sada nije pokrenut nijedan krivični postupak. Kao procesni problem je navedena uloga i rad vještaka u oblasti okoliša kao i samo donošenje odluka po pitanju dozvola i upravnih akata. Problem predstavljaju i mnoge žalbe koje Vlada zaprima, a koje nisu dovoljno stručno napisane, te usporavaju ili ograničavaju rad vlasti.
- Jedna od učesnica javne rasprave je navela da je podnosila zahtjeve FBiH Ministarstvu za okoliš i turizam, te da je zadovoljna odgovorima, ali bi Ministarstvo ipak posavjetovala po pitanju revidiranja jednog od pruženih odgovora koji joj je dostavljen u pogrešnoj formi, tj. kao dopis, a ne kao rješenje, što nije u skladu za Zakonom o pristupu informacijama u BiH.
- Predstavnik FMOiT je na temu pristupa rješenjima Ministarstva, od strane javnosti, naglasio da će nastojati da Ministarstvo sva rješenja postavi na web stranicu, zajedno sa zapisnicima sa javnih rasprava.
- Jedna od učesnica je pohvalila rad Centra za ekologiju i energiju - Aarhus Centar Tuzla, te je naglasila da situacija u BiH u domenu okoliša, predstavlja proces edukacije koji treba adekvatno iskoristiti i iz njega naučiti, te da je divno što u Aarhus centru širom BiH rade ljudi koji su stručni u svojoj oblasti, te omogućavaju stručniju komunikaciju sa vlastima, a i time pomažu ubrzanju procesa, tj. implementaciji promjena u domenu okoliša i primjeni zakona koji egzistiraju, ali i onih koji slijede.
- Predstavnik opštine Lukavac za NIR 2013. je izjavio da je Izvještaj pozitivno iznenađenje, jer se kritički osvrnuo na sve probleme sa kojima se svi susreću u provedbi Aarhuske konvencije u BiH. Dodato je naglasio da je iznalaženje rješenja pitanja protoka informacija između vlasti u BiH i građana jako bitno.

(Cementara u Lukavcu je navedena kao primjer pozitivne prakse investitora u BiH, koji je zainteresovan da se bavi pitanjima zaštite i unaprijeđenja okoliša.)

- Rečeno je da FBiH MOiT ima samo dva inspektora što značajno usporava procese.
- Naglašeno je i da sve okolišne dozvole FBiH Ministarstvo šalje Inspektoratu FBiH, tako da su njeni uposlenici adekvatno informisan, te u stanju pružiti istu potporu i informacije javnosti kao i samo Ministarstvo.
- Predstavnik FBiH MOiT je pojasnio da se demokratizacija odnosa u BiH odnosi na pitanje čitave uprave, a ne samo područja okoliša. Rečeno je da se 70 % EU aquisa odnosi na domen okoliša (tj. vode, okoliš, poljoprivredu), a da 30% pokriva sve ostale oblasti za koje u BiH još ni ne postoje razvijene strategije. U tom kontekstu je apelirano na NVO sektor da treba da insistira na promjenama i u drugim sektorima, jer se okoliš kao oblast, prožima kroz sve sfere društva i uspješnost ovisi o njegovoj sveobuhvatnosti.
- Jedna od učesnica javne rasprave je navela problem šljacišta u Lukavcu (Šićki blok 7) i apelirala na FMOiT za obrazloženje davanja okolišne dozvole za rad datom, na što nije dat odgovor iz tehničkih razloga.
- Jedna učesnica komentarisala je o netransparentnosti Ministarstva poljoprivrede, vodoprivrede i šumarstva tuzlanskog kantona (TK). U raspravi je ukazano na problematiku rigidnosti nekih struktura vlasti BiH koje predstavljaju zaostatke prijeratnog sistema, a koje se moraju prilagoditi savremenim društvenim potrebama. Isto je naglašeno i za institucije na opštinskom nivou.
- Učesnica i predstavnica nevladine organizacije Kreativa u Tuzli je postavila pitanje vezano za konkretnu problematiku odlaganja i efektivnog iskorištavanja ovčije vune. Također je zamolila za savjet o tome gdje bi se organizacije poput Kreativa Tuzla mogle angažovati putem projekata u cilju rješavanja ovakvih problematika. U raspravi su dati savjeti o mogućoj saradnji sa drugim NVO-ima i rješenjima koje nudi zakonska regulativa.

Zapisnik sačinila: Emina Durmo